

AWDURDOD TÂN AC ACHUB GOGLEDD CYMRU



NORTH WALES FIRE AND RESCUE AUTHORITY

Cynhelir cyfarfod o'r PWYLLGOR ARCHWILIO DDYDD LLUN 18 HYDREF 2021 am 9.30 o'r gloch y bore dros Zoom.

Yn gywir

Colin Everett
Clerc

AGENDA

1. Ymddiheuriadau

2. Datganiadau o Ddiddordebau

3. Rhybudd o Faterion Brys

Rhybudd o eitemau y dylid, ym marn y Cadeirydd, eu hystyried yn y cyfarfod fel mater o frys yn unol ag Adran 100B (4) o Ddeddf Llywodraeth Leol, 1972

4. Cofnodion y cyfarfod a gynhaliwyd 26 Gorffennaf 2021

5. Materion yn codi

6. Datganiad o Gyfrifon Archwiliedig a Datganiad Llywodraethu Blynyddol 2020/21

7. Rheoli'r Trysorlys a Dangosyddion Darbodus

8. Gosod y Gyllideb 2022/23

9. Materion Brys

Ystyried unrhyw eitem y penderfyna'r Cadeirydd sy'n fater brys (o dan Adran 100B (4) o Ddeddf Llywodraeth Leol, 1972) y nodwyd ei gynnwys o dan eitem 3 uchod.

RHAN II

Argymhellir yn unol ag Adran 100A (4) o Deddf Llywodraeth Leol, 1972 bod y Wasg a'r Cyhoedd i'w gwahardd o'r cyfarfod tra'n ystyried yr eitem(au) busnes canlynol am ei bod yn debygol y byddai gwybodaeth eithriedig fel y'i diffinnir ym Mharagraffau 12 i 18 o Ran 4 o Atodlen 12A i Ddeddf Llywodraeth Leol 1972 yn cael ei datgelu iddynt.

Dim.

AWDURDOD TÂN AC ACHUB GOGLEDD CYMRU PWYLLGOR ARCHWILIO

Cofnodion Cyfarfod Pwyllgor Archwilio Awdurdod Tân ac Achub Gogledd Cymru a gynhaliwyd drwy Zoom ar 26 Gorffennaf 2021. Dechreuodd y cyfarfod am 9.30am.

YN BRESENNOL

Y Cynghorwyr:

B Apsley (Cadeirydd)	Cyngor Bwrdeistref Sirol Wreccsam
A I Dunbar	Cyngor Sir y Fflint
G Lowe	Cyngor Bwrdeistref Sirol Wreccsam
B Parry-Jones	Cyngor Bwrdeistref Sirol Wreccsam
G A Roberts	Cyngor Gwynedd
W P Shotton	Cyngor Sir y Fflint
D Wisinger	Cyngor Sir y Fflint

HEFYD YN BRESENNOL:

K Finch (Trysorydd); H MacArthur (Prif Swyddog Tân Cynorthwyol); S Morris (Prif Swyddog Cynorthwyol); G Williams (Gwasanaethau Cyfrifyddiaeth a'r Trysorlys, Cyngor Bwrdeistref Sirol Conwy); K V Williams (Adran Archwilio, Cyngor Bwrdeistref Sirol Conwy); M Edwards (Archwilio Cymru); H Howard (Pennaeth Cyllid); A Davies (Swyddog Cyswllt Aelodau).

1 YMDDIHEURIADAU:

B Blakeley	Cyngor Sir Ddinbych
S Lloyd-Williams	Cyngor Bwrdeistref Sirol Conwy
W O Thomas	Cyngor Sir y Fflint
G Owens	Dirprwy Swyddog Monitro

2 DATGAN BUDDIANNAU

2.1 Dim.

3 COFNODION Y CYFARFOD A GYNHALIWYD AR 25 IONAWR 2021

3.1 Cafodd cofnodion y cyfarfod a gynhaliwyd ar 25 Ionawr 2021 eu cyflwyno i'w cymeradwyo.

3.2 **PENDERFYNWYD cymeradwyo cofnodion y cyfarfod diwethaf yn gofnod cywir.**

4 MATERION YN CODI

4.1 Nid oedd unrhyw faterion yn codi.

5 DATGANIAD O GYFRIFON A DATGANIAD LLYWODRAETHU BLYNYDDOL 2020/21

5.1 Rhoddodd Matthew Edwards o Archwilio Cymru wybodaeth ar lafar am y sefyllfa ddiweddaraf o ran cymeradwyo datganiad o gyfrifon 2020/21. Dywedodd fod swyddogion Archwilio Cymru yn dal i gael trafodaethau â rheolwyr GTAGC am nifer o faterion felly nid oeddent yn gallu darparu barn archwilio eto. Nodwyd bod Rheoliadau Cyfrifon ac Archwilio (Coronafeirws) (Diwygio) 2020 Rhif 404 wedi ymestyn dyddiad cyhoeddi'r Cyfrifon i 30 Tachwedd. Cadarnhaodd Mr Edwards y bydd barn arfaethedig Archwilio Cymru ar gael ar gyfer y cyfarfod nesaf o'r Pwyllgor Archwilio ac y bydd yn barod i gael ei chymeradwyo'n derfynol yn y cyfarfod nesaf o'r Panel Gweithredol ar 18 Hydref.

5.2 **PENDERFYNWYD nodi'r wybodaeth.**

6 GWEITHGARWCH RHEOLI'R TRYSORLYS A DANGOSYDDION DARBODUS GWIRIONEDDOL 2020/2021

6.1 Fe wnaeth Graham Williams o Gyngor Bwrdeistref Sirol Conwy gyflwyno'r adroddiad a oedd yn rhoi gwybod i Aelodau am sefyllfa fenthyciadau'r Awdurdod a dangosyddion darbodus terfynol Awdurdod Tân ac Achub Gogledd Cymru (yr Awdurdod) ar gyfer blwyddyn ariannol 2020/21.

6.2 Mae benthyciadau'r Awdurdod wedi lleihau yn 2020/21 gan fod oedi wedi digwydd yn y rhaglen gyfalaf. Er bod archebion wedi cael eu gwneud am gerbydau newydd, nodwyd bod COVID-19 a Brexit wedi arwain at oedi yn y cyflenwad ac roedd y rhain wedi cyrraedd ar ôl diwedd y flwyddyn. Roedd gwariant a ohiriwyd yn ystod 2020/21 wedi cael ei ad-drefnu i ddigwydd yn 2021/22.

6.3 Cadarnhawyd bod angen i'r rhaglen gyfalaf fod yn gynaliadwy yn ariannol dros oes yr asedau, sef 18 mlynedd i beiriannau a 50 mlynedd i adeiladau, felly mae'n bwysig sefydlu diwydrwydd dyladwy er mwyn sicrhau bod hyn yn cael ei reoli'n briodol.

6.4 **PENDERFYNWYD nodi Gweithgarwch Rheoli'r Trysorlys a Dangosyddion Darbodus Gwirioneddol 2020/2021.**

7 ADRODDIAD BLYNYDDOL ARCHWILIO MEWNOL 2020/21

- 7.1 Aeth Keith Williams â'r Aelodau drwy'r adroddiad a'r atodiadau a oedd yn dadansoddi gwaith y Gwasanaeth Archwilio Mewnol yn ystod 2020/21. Roedd hefyd yn darparu sicrwydd fod gan yr Awdurdod brosesau digonol ac effeithiol i reoli'i waith o gyflawni ei amcanion yn y flwyddyn a ddaeth i ben ar 31 Mawrth 2021.
- 7.2 Roedd Mr Williams eisiau cofnodi ei ddiolch i'r staff yn y gwahanol adrannau a oedd wedi cydweithio'n dda ag ef er gwaethaf amgylchiadau COVID-19. Nodwyd bod rhai archwiliadau yn gofyn am fynd i adrannau yn bersonol felly roedd yr archwiliad o'r Storfeydd wedi'i ohirio a chaiff ei gynnal yn ystod 2021/22.
- 7.3 Roedd yr Aelodau o'r farn fod yr adroddiad yn ffafriol ar y cyfan, yn enwedig oherwydd y materion a achoswyd gan COVID-19 felly **PENDERFYNWYD nodi cynnwys 'Adroddiad Blynyddol Pennaeth Archwilio a Chaffael' a'r 'farn' gyffredinol ynglŷn â pha mor ddigonol ac effeithiol yw fframwaith yr Awdurdod ar gyfer llywodraethu, rheoli risgiau a rheolaeth.**

Adroddiad ar gyfer	Y Pwyllgor Archwilio
Dyddiad	18 Hydref 2021
Swyddog Arweiniol	Ken Finch – Trysorydd
Swyddog Cyswllt	Ken Finch (01745 535286)
Pwnc	Datganiad o Gyfrifon Archwiliedig a Datganiad Llywodraethu Blynyddol 2020/21



PWRPAS YR ADRODDIAD

- 1 Pwrpas yr adroddiad hwn yw cyflwyno Datganiad o Gyfrifon Archwiliedig 2020/21 i'r Aelodau. Mae'n cynnwys y Datganiad Llywodraethu Blynyddol. Mae'r adroddiad hefyd yn cyflwyno canfyddiadau Archwilydd Cyffredinol Cymru, sy'n cadarnhau barn archwilio ddiamod.
- 2 Y Pwyllgor Archwilio sydd wedi cael y dasg o sicrhau bod craffu effeithiol yn digwydd ar yr adroddiadau cyllid, a gwneud argymhellion i'r Panel Gweithredol ar sail ei ganfyddiadau.

CRYNODEB GWEITHREDOL

- 3 Cafodd y cyfrifon drafft eu cyflwyno i'w harchwilio ar 28 Mai 2021. Roedd y rhain yn cadarnhau gwariant net o £38.55m, gyda chyfraniad o £0.063m i'r Gronfa Wrth Gefn Gyffredinol. Nid yw'r sefyllfa archwiliedig derfynol wedi newid.
- 4 Mae Datganiad Llywodraethu Blynyddol yr Awdurdod wedi'i nodi yn Atodiad 2, ac mae'n dangos cydymffurfiaeth â Fframwaith CIPFA/Solace, sef *Delivering Good Governance in Local Government Framework* (2016).
- 5 Mae'r adroddiad a gyhoeddwyd gan Archwilio Cymru ar ran Archwilydd Cyffredinol Cymru wedi'i nodi yn Atodiad 3 ac mae'n cadarnhau barn archwilio ddiamod.
- 6 Mae Rheoliadau Cyfrifon ac Archwilio (Cymru) (Diwygio) 2010 yn ei gwneud yn ofynnol i'r cyfrifon archwiliedig a'r datganiad llywodraethu blynyddol gael eu cymeradwyo gan yr Aelodau erbyn 31 Gorffennaf fel arfer. Fodd bynnag, oherwydd y pandemig, cafodd yr amserlenni eu hystyngi i 30 Tachwedd 2021.

ARGYMHELLIAD

- 7 Gofynnir i'r Aelodau wneud y canlynol:
- (i) nodi'r sefyllfa alldro archwiliedig a'r perfformiad fel sydd yn Natganiad o Gyfrifon 2020/21 (Atodiad 1);
 - (ii) nodi'r trefniadau llywodraethu a'r cynllun gweithredu fel yr amlinellir yn Natganiad Llywodraethu Blynyddol 2020/21 (Atodiad 2);
 - (iii) nodi adroddiad Archwilydd Cyffredinol Cymru sy'n cadarnhau barn archwilio ddiamod (Atodiad 3);
 - (iv) nodi'r llythyr cynrychiolaeth a gynigir; a
 - (v) cadarnhau'r argymhelliad fod y Panel Gweithredol yn cymeradwyo Datganiad o Gyfrifon terfynol archwiliedig 2020/21 yn ei gyfarfod ar 18 Hydref 2021.

CEFNDIR

- 8 Yn unol â Rheoliadau Cyfrifon ac Archwilio (Cymru) (Diwygio) 2010, mae'r Awdurdod wedi llunio datganiad o gyfrifon a datganiad llywodraethu blynyddol a gafodd eu cyflwyno i'r Awdurdod yn ei gyfarfod ar 21 Mehefin. Mae'r rhain wedi bod yn destun archwiliad allanol ac mae'r atodiadau'n cynnwys y fersiynau archwiliedig terfynol.

GWYBODAETH

GWARIANT REFENIW

- 9 Cafodd Aelodau'r Awdurdod adroddiad perfformiad ariannol ar gyfer 2020/21 yng nghyfarfod yr Awdurdod Tân ac Achub ar 21 Mehefin 2021. Roedd hwn yn cadarnhau sefyllfa alldro drafft y gwariant net o £38.55m, gyda chyfraniad o £0.063m i'r Gronfa Wrth Gefn Gyffredinol. Nid yw'r sefyllfa archwiliedig derfynol wedi newid.

Y FANTOLEN

- 10 Mae'r Fantolen yn rhoi mwy o wybodaeth am sefyllfa ariannol hirdymor yr Awdurdod, ac mae wedi'i chynnwys ar dudalen 19 o'r Cyfrifon (yn Atodiad 1). Mae'r paragraffau a ganlyn yn rhoi mwy o wybodaeth.

Asedau sefydlog a benthyciadau

- 11 Roedd y cyfrifon archwiliedig terfynol yn cadarnhau bod yr Awdurdod yn dal asedau'n werth £40.01m ar 31 Mawrth 2021. Roedd y prisiwr allanol a benodwyd wedi nodi nifer o addasiadau archwilio o ran ailbriso tir ac adeiladau'r Awdurdod. Mae'r addasiadau hyn wedi cael eu gwneud, ac mae gwaith yn mynd ymlaen i ddelio â'r mater hwn ar gyfer prisiadau yn y dyfodol.

- 12 Caniateir i'r Awdurdod fenthycu i ariannu asedau cyfalaf, ac ar 31 Mawrth 2021, £26.1m oedd gwerth y benthyciadau sy'n weddill, ac mae hynny'n cyd-fynd â'r terfynau a osodwyd gan yr Awdurdod.

Ymrwymadau Pensiwn

- 13 Rhaid i'r Awdurdod roi cyfrif am yr ymrwymadau a amcangyfrifir ar gyfer ei gynlluniau pensiwn. Mae gan yr Awdurdod ddau gynllun, sef Cynllun Pensiwn y Diffoddwyr Tân a Chynllun Pensiwn Llywodraeth Leol. Caiff gwerth ymrwymadau'r dyfodol eu cyfrifo gan actiwari pob cynllun ac roeddent y rheini'n £337.32m ar ddyddiad y fantolen.

Cronfeydd defnyddiadwy

- 14 £4.91m oedd yng nghronfeydd defnyddiadwy'r Awdurdod ar 31 Mawrth 2021, ac roedd hynny'n cynnwys £1.45m mewn cronfa wrth gefn gyffredinol a £3.46m mewn cronfeydd a glustnodwyd. Cafodd y polisi ar gronfeydd wrth gefn ei gymeradawyo gan yr Awdurdod yn ei gyfarfod ar 21 Mehefin 2021.

DATGANIAD LLYWODRAETHU BLYNYDDOL

- 15 Ers 2010/11, mae pob corff llywodraeth leol wedi gorfod paratoi Datganiad Llywodraethu Blynyddol sy'n cael ei gyhoeddi fel rhan o'r Cyfrifon Statudol.
- 16 Mae'r Datganiad Llywodraethu Blynyddol wedi cael ei baratoi yn unol â'r saith egwyddor sydd yn y ddogfen gyfarwyddyd, sef *Delivering Good Governance in Local Government: Framework* (CIPFA/SOLACE 2016).
- 17 Mae Datganiad Llywodraethu Blynyddol 2020/21 wedi'i nodi yn Atodiad 2. Mae'n darparu golwg gyffredinol ar y trefniadau llywodraethu ac mae'n cadarnhau'r rhaglen waith ar gyfer 2021/2.
- 18 Mae'r Datganiad Llywodraethu Blynyddol yn cael ei adolygu gan Archwilio Cymru i gadarnhau ei fod yn gyson â'i adnabyddiaeth o'r Awdurdod. Wrth gynnal yr archwiliad, roedd yr archwilydd wedi gwneud nifer o awgrymiadau sydd wedi cael eu hymgorffori yn y fersiwn derfynol. Roedd y rhain yn cynnwys ehangu'r naratif am y camau a gymerwyd yn ystod y pandemig i sicrhau bod trefniadau llywodraethu'n parhau, ynghyd â chyfeirio at waith Archwilio Cymru ym maes cadernid corfforaethol.


ARCHWILIO'R DATGANIADAU ARIANNOL

- 19 Archwilydd Cyffredinol Cymru sy'n gyfrifol am roi barn i ddweud a yw'r datganiadau ariannol yn rhoi golwg wir a theg o berfformiad a sefyllfa'r Awdurdod yn y flwyddyn a ddaeth i ben ar 31 Mawrth 2021.
- 20 Wrth gynnal y gwaith archwilio, nid ceisio rhoi sicrwydd absoliwt y mae Archwilio Cymru ond ystyried a oes unrhyw faterion o bwys a allai arwain at gamarwain rhywun sy'n darllen y cyfrifon. Pan fo gwall neu gamddatganiad yn cael ei ganfod, bydd Archwilio Cymru yn ystyried a oes angen newid hynny. Ceir arweiniad yn Atodiad 4 am y dull o wneud hynny.
- 21 Mae Archwilydd Cyffredinol Cymru yn cynnig rhoi barn archwilio ddiamed, sy'n golygu bod y cyfrifon yn cyflwyno golwg wir a theg o drafodion ariannol yr Awdurdod. Mae'r adroddiad wedi'i gynnwys yn Atodiad 3, a nodir y canlynol:
- Mae'r adroddiad archwilio yn cydnabod y cynnydd a wnaed yn y blynyddoedd blaenorol i wella ansawdd y datganiadau ariannol a'r heriau a ddaeth gyda Covid-19. Fodd bynnag, mae angen gwaith ychwanegol i wella rhagor ar y trefniadau sicrhau ansawdd er mwyn gostwng nifer yr addasiadau archwilio.
 - Canfu'r archwiliad nifer o newidiadau y cytunwyd arnynt gyda'r rheolwyr. Nid oedd y newidiadau'n effeithio ar y sefyllfa a adroddodd yr Awdurdod ac roeddent yn cynnwys nifer o addasiadau technegol sydd eu hangen i gydymffurfio'n llwyr â'r Cod Ymarfer ar Gyfrifyddu mewn Awdurdodau Lleol.
 - Canfu'r archwiliad ddau fater nad oedd wedi cael eu cywiro. Roedd y cyntaf yn ymwneud â £0.06m o yswiriant a oedd wedi cronni ac a gaiff ei wrthdroi yn ystod 2021/22 ac nad yw'n cael ei ystyried yn fater o bwys. Roedd yr ail eitem yn ymwneud ag un taliad o £ 0.958m i Gronfa Bensiwn Clwyd i fynd i'r afael â'r diffyg yn y cyfnod rhwng 2021/22 a 2023/24. Wrth wneud cyfandaliad, manteisiodd yr Awdurdod ar gostau is dros y cyfnod o dair blynedd, a dosrannodd y taliad dros y cyfnod perthnasol. Fodd bynnag, caiff mwy o waith ei wneud yn ystod 2021/22 i gytuno ar y dulliau cyfrifyddu technegol rhwng y gronfa wrth gefn gyffredinol a'r gronfa pensiwn.
- 22 Roedd yr Adroddiad Archwilio hefyd yn cynnwys y llythyr cynrychiolaeth terfynol. Mae'r llythyr hwn yn darparu cynrychiolaeth gan y Cadeirydd a'r Trysorydd i gydnabod eu cyfrifoldebau ac i gadarnhau'r trefniadau ar gyfer sicrhau bod y cyfrifon yn rhoi golwg wir a theg.

GOBLYGIADAU

Amcanion Llesiant	Mae'r adroddiad hwn yn cysylltu ag amcanion llesiant hirdymor ATAGC. Mae cyllid i'r Gwasanaeth o fudd i gymunedau Gogledd Cymru ac mae'n sicrhau bod digon o fuddsoddiad yn digwydd yn y seilwaith fel bod y Gwasanaeth yn gallu darparu ymatebion brys a gwaith ataliol ymhell i'r dyfodol.
Cyllideb	Caiff y gyllideb ei gosod yn flynyddol yn unol â'r ddarpariaeth gwasanaethau arfaethedig, sy'n cynnwys ymateb brys a gwaith ataliol.
Cyfreithiol	Mae'n ofyniad cyfreithiol fod yr Awdurdod yn llunio Datganiad o Gyfrifon a Datganiad Llywodraethu Blynyddol yn unol â'r safonau a ragnodwyd.
Staffio	Dim
Cydraddoldeb/Hawliau Dynol/Y Gymraeg	Dim
Risgiau	Caiff incwm a gwariant eu monitro'n ofalus i sicrhau bod unrhyw achosion o wyro oddi wrth y gyllideb a gymeradwywyd yn cael eu canfod yn briodol a'u hadrodd i'r Aelodau.

Adroddiad ar gyfer	Y Pwyllgor Archwilio
Dyddiad	18 Hydref 2021
Swyddog Arweiniol	Ken Finch, Trysorydd
Swyddog Cyswllt	Graham Williams (01745 535286)
Pwnc	Rheoli'r Trysorlys a Dangosyddion Darbodus



PWRPAS YR ADRODDIAD

- 1 Rhoi gwybodaeth i'r Aelodau am Strategaeth Cyfalaf a Rheoli'r Trysorlys 2021/22, gan gynnwys diwygiadau i'r Dangosyddion Darbodus.

CRYNODEB GWEITHREDOL

- 2 Cafodd Strategaeth Cyfalaf a Rheoli'r Trysorlys 2021/22 ei chymeradwyo gan yr Awdurdod ar 15 Mawrth 2021. Mae'r Dangosyddion Darbodus a amcangyfrifid ar gyfer 2021/22 wedi cael eu diwygio er mwyn adlewyrchu'r rhagolwg o'r gwariant cyfalaf cyfredol ar gyfer blwyddyn ariannol 2021/22.

ARGYMHELLIAD

- 3 Gofynnir i'r Aelodau nodi'r sefyllfaoedd o ran benthyciadau a buddsoddiadau ar hyn o bryd, a chymeradwyo'r Dangosyddion Darbodus diwygiedig fel y gwelir yn Atodiad A.

CEFNDIR

- 4 Ystyr rheoli'r trysorlys yw rheoli llifoedd arian, benthyciadau a buddsoddiadau'r Awdurdod, ynghyd â'r risgiau sy'n gysylltiedig â'r rheini. Gan fod rhaglen gyfalaf yr Awdurdod yn un sy'n cael ei hariannu'n bennaf drwy fenthyciadau, mae'n agored i risgiau ariannol sy'n cynnwys effaith y cyfraddau llog newidiol ar y referniw. Hefyd, gan fod arian dros ben yn cael ei fuddsoddi mae risg o golled i'r Awdurdod os fydd yr arian yn cael ei ddychwelyd. Felly, mae llwyddo i ganfod, monitro a rheoli risg ariannol yn agwedd ganolog ar reolaeth ariannol ddarbodus.
- 5 Caiff y gwaith o reoli risg y trysorlys ei wneud o fewn fframwaith Cod Ymarfer Rhif 2017 y Sefydliad Siartredig Cyllid Cyhoeddus a Chyfrifyddiaeth (Cod CIPFA), sy'n mynnu bod yr Awdurdod yn cymeradwyo strategaeth rheoli'r trysorlys cyn dechrau pob blwyddyn ariannol a'i fod yn rhoi gwybod am unrhyw amrywiadau mawr. Un o'r rhannau allweddol o'r Strategaeth Rheoli'r Trysorlys yw cymeradwyo'r dangosyddion darbodus. Mae dangosyddion darbodus yn darparu fframwaith lleol ar gyfer dangos bod gwariant cyfalaf a phenderfyniadau cyllido yn rhai fforddiadwy a bod y benthyciadau'n aros o fewn lefelau darbodus a chynaliadwy.

GWYBODAETH

Dangosyddion Darbodus 2021/22

- 6 Caiff y Dangosyddion Darbodus eu gosod bob blwyddyn gan ddefnyddio'r alldro amcangyfrifedig ar gyfer y flwyddyn gyfredol a'r rhaglen gyfalaf amcangyfrifedig ar gyfer y flwyddyn i ddod. Oherwydd llithriant yn rhaglen gyfalaf 2020/21 a'r diwygiad i raglen gyfalaf 2021/22, bu'n rhaid diwygio'r dangosyddion allweddol i adlewyrchu'r amcangyfrifon cyfredol.
- 7 Ceir esboniad isod o'r hyn y mae pob dangosydd yn ei gynrychioli:
 - Mae'r **Gofyniad Cyllid Cyfalaf** yn mesur y ddyled hirdymor sydd ei hangen i gefnogi rhaglen gyfalaf yr Awdurdod;
 - Mae'r **Ffin Weithredol** yn mesur y ddyled allanol fwyaf posibl i ganiatáu uchelfannau ac iselfannau yn y llifoedd arian; ac
 - Mae'r **Terfyn Awdurdodedig** yn amcangyfrif y swm mwyaf y gallai'r Awdurdod ei fenthycu ar sail asesiad o'r gofynion gweithredol a'r risgiau allanol.
- 8 Mae'r tri dangosydd allweddol i gyd wedi newid ar gyfer 2021/22 oherwydd y diwygiadau i'r Rhaglen Gyfalaf ar gyfer 2020-2021 a 2021/22.
- 9 Mae'r gostyngiad yn y Ddarpariaeth Isafswm Refeniw wedi effeithio hefyd ar y dangosyddion, yn arbennig mae'r 'gymhareb rhwng y costau cyllido a'r llif refeniw net' wedi lleihau'r ffi ar y refeniw am wariant cyfalaf oherwydd y gostyngiad yn y cynlluniau yn y rhaglen gyfalaf.
- 10 Mae Atodiad A yn rhestru'r dangosyddion a adroddwyd o fewn Strategaeth Cyfalaf a Rheoli'r Trysorlys 2021/22 a'r dangosyddion diwygiedig.

Benthyciadau

- 11 Mae'r tabl isod yn rhoi crynodeb o'r benthyciadau sy'n cael eu dal gan yr Awdurdod fel yr oedd pethau ar 30 Medi 2021:

Darparwr Benthyciad	Cyfanswm £'000
Bwrdd Benthyciadau Gwaith Cyhoeddus	14,723
Awdurdodau Lleol eraill	9,000
Cyfanswm	23,723

Dadansoddiad o Aeddfedu – Bwrdd Benthyciadau Gwaith Cyhoeddus ac Awdurdodau Lleol Eraill		
Aeddfedu	Cyfanswm £'000	%
O fewn blwyddyn	10,289	43
2 i 3 blynedd	6,070	26
4 i 5 mlynedd	4,775	20
6 i 9 mlynedd	173	1
10 mlynedd a mwy	2,416	10
Balans	23,723	100

- 12 Pan fo'n briodol, mae benthyciadau byrdymor yn cael eu hadnewyddu pan fyddant yn aeddfedu, a hynny gydag awdurdodau lleol eraill yn dibynnu ar y cyfraddau llog sydd ar gael ar y pryd. Mae digon o hylifedd yn y farchnad ar hyn o bryd, i adnewyddu benthyciadau sy'n aeddfedu, neu i gael rhai yn eu lle, a hynny gydag awdurdodau lleol. Rhwng 0.02% a 0.14% yw'r cyfraddau llog cyfredol ar fenthyciadau byrdymor.
- 13 Cymerwyd £4m o fenthyciadau gan y Bwrdd Benthyciadau Gwaith Cyhoeddus eleni. Mae cyfraddau cyfredol y bwrdd yn dechrau ar 1.07% ar gyfer benthyciadau am flwyddyn. Pwrpas hyn yw sicrhau cydbwysedd rhwng benthyciadau byrdymor a hirdymor, ac aros gyda'r dangosyddion allweddol a gymeradwywyd gan yr Aelodau.
- 14 Mae'r Awdurdod wedi cymeradwyo 60% o derfyn uchaf o'r portffolio benthyciadau am swm y benthyciadau sy'n aeddfedu o fewn 12 mis. Y sefyllfa gyfredol yw y bydd y benthyciadau awdurdodau lleol yn aeddfedu o fewn 12 mis, ac ar sail y portffolio presennol mae'r Awdurdod o fewn y terfyn a osodwyd (gweler y tabl ym mharagraff 10).

Buddsoddiadau

- 15 Er mwyn cynnal cymarebau hylifedd digonol, mae'r Awdurdod yn cadw digon o arian parod i sicrhau ei fod yn gallu talu pob ymrwymiad fel y mae'n ddyledus. Caiff arian ar gyfer hyn ei fuddsoddi am gyfnodau byr o amser. Caiff arian heblaw'r hyn sydd ei angen ar unwaith ei fuddsoddi yn unol â'r strategaeth fuddsoddi a gymeradwywyd.
- 16 Y brif egwyddor sy'n llywodraethu meini prawf yr Awdurdod ar gyfer buddsoddi yw diogelwch ei fuddsoddiadau. Ar hyn o bryd, mae unrhyw fuddsoddiadau yn cael eu dal am resymau llif arian, ac mae unrhyw arian parod dros ben hyn yn cael ei ddefnyddio yn lle benthyciadau hirdymor y byddai eu hangen i ariannu'r rhaglen gyfalaf.

17 Roedd y strategaeth fuddsoddi ar gyfer 2020/21 yn cynnwys cymeradwyo'r meini prawf a ganlyn ar gyfer partïon i gontract:

- (1) Y Swyddfa Rheoli Dyledion yn y Trysorlys: terfyn £5m
- (2) Awdurdodau Lleol (ac eithrio cap ar gyfraddau): terfyn £2m
- (3) Mae sgoriau da (Fitch neu gyfwerth) gan holl fanciau'r DU ac Iwerddon, a'u his-gwmnïau: terfyn £5m

Dyma'r diffiniad ar hyn o bryd:

Tymor Byr	F1
Tymor Hir	A-
Sgôr Hyfywedd	bbb

Os yw sgoriau banciau'n gostwng yn is na'r rhai sydd yn y tabl uchod, bydd y banciau hynny'n cael eu defnyddio os yw adneuron mawr yn cael eu sicrhau gan warant llywodraeth, ac os yw'r adneuron yn dod o fewn telerau'r warant.

- (4) Mae £2 filiwn o derfyn benthycu gan bob Cymdeithas Adeiladu sydd â sgôr.
- (5) Mae £2 filiwn o derfyn, a 9 mis o gyfyngiad amser ar y mwyaf, gan Gymdeithasau Adeiladu sydd heb sgôr ond sydd ag asedau gwerth £1 biliwn neu fwy.

18 Caiff yr arian dros ben ei fuddsoddi mewn dau gyfrif galw, sef Barclays a Bank of Scotland, sy'n caniatáu mynediad ar unwaith at yr arian. Dyma'r buddsoddiadau a oedd yn cael eu dal ar 30 Medi.

Prifswm £'000	Cyfradd %	Dyddiad y Benthyciad	Cyfnod	Benthyciwr
1,850	0.01	N/A	Galw	Bank of Scotland
1,210	0.01	N/A	Galw	Barclays

Cyfraddau Llog

19 Mae'r tabl isod yn olrhain y newidiadau yn y cyfraddau llog ers 31 Mawrth 2020.


Cyfrif Galw	Dechrau 2020/21 %	Canol Blwyddyn 2020/21 %	Dechrau 2021/22 %	Canol Blwyddyn 2021/22 %
Bank of Scotland	0.0	0.05	0.01	0.01
Barclays	0.0	0.05	0.01	0.01

GOBLYGIADAU

Amcanion Llesiant	Mae cysylltiad rhwng yr adroddiad hwn ac amcanion llesiant tymor hir ATAGC. Mae'r adroddiad yn sicrhau bod asedau i gefnogi gwasanaethau rheng flaen yn cael eu prynu mewn modd darbodus, fforddiadwy a chynaliadwy. Mae'n sicrhau bod digon o fuddsoddiad yn digwydd yn y seilwaith i alluogi'r gwasanaeth i ddarparu ymatebion brys a gwaith ataliol ymhell i'r dyfodol.
Cyllideb	Caiff y gyllideb ei gosod bob blwyddyn ar gyfer cyllido cyfalaf, a hynny'n unol ag adroddiad y Trysorlys.
Cyfreithiol	Mae'r fframwaith rheoleiddiol wedi'i nodi ym mharagraff 1.
Staffio	Dim
Cydraddoldeb/Hawliau Dynol/Y Gymraeg	Dim
Risgiau	Buddsoddi arian dros ben – mae risg y gallai'r sefydliad ariannol lle mae arian y gwasanaeth yn cael ei fuddsoddi fethu, gan golli rhan o'r prifswm a fuddsoddwyd. Fodd bynnag, un o ddibenion yr adroddiad yw lleihau'r risg hwn.

DANGOSYDDION DARBODUS

		2021/22 £'000	2022/23 £'000	2023/24 £'000
1	Gwariant Cyfalaf Dangosydd Gwreiddiol Dangosydd Newydd	3,082 1,343	2,576 3,618	5,176 5,176
2	Gofyniad Cyllido Cyfalaf Dangosydd Gwreiddiol Dangosydd Newydd	31,505 28,727	31,839 30,351	34,640 33,355
3	Terfyn Awdurdodedig Dangosydd Gwreiddiol Dangosydd Newydd	33,505 30,727	33,839 32,351	36,640 35,355
4	Ffin Weithredol Dangosydd Gwreiddiol Dangosydd Newydd	31,505 28,727	31,839 30,351	34,640 33,355
5	Cymhareb rhwng Costau Ariannu a Llif Refeniw Net Dangosydd Gwreiddiol Dangosydd Newydd	7.4% 6.3%	7.6% 6.2%	7.6% 6.6%

Adroddiad ar gyfer	Pwyllgor Archwilio	
Dyddiad	18 Hydref 2021	
Swyddog Arweiniol	Helen MacArthur	
Swyddog Cyswllt	Helen MacArthur, Prif Swyddog Tân Cynorthwyol (Cyllid ac Adnoddau) (01745 535258)	
Pwnc	Gosod y Gyllideb ar gyfer 2022/2023	

PWRPAS YR ADRODDIAD

- 1 Yn yr adroddiad hwn, mae'r Aelodau yn cael gwybod am broses y gyllideb, y rhagdybiaethau cynllunio a'r amserlenni ar gyfer gosod cyllideb refeniw'r Awdurdod Tân ac Achub (yr Awdurdod) ar gyfer 2022/23.

CRYNODEB GWEITHREDOL

- 2 Rhaid i'r Awdurdod osod y gyllideb refeniw ar gyfer 2022/23 yn ei gyfarfod ar 20 Rhagfyr 2021. Dechreuwyd ar y gwaith rhagbaratoi sydd ei angen i sefydlu'r gyllideb sylfaenol, ac mae hynny'n cynnwys adolygiad o'r lefelau gwariant cyfredol, y rhagdybiaethau cynllunio allweddol a'r risgiau. Darperir crynodeb yn Atodiad 1.

ARGYMHELLION

- 3 Gofynnir i'r Aelodau wneud y canlynol:
 - (i) nodi'r rhagdybiaethau cynllunio sy'n cael eu defnyddio i osod y gyllideb refeniw ar gyfer 2022/23; a
 - (ii) nodi'r cynnig i gael yr Awdurdod i gymeradwyo'r gyllideb refeniw 2022/23 yn ei gyfarfod ar 20 Rhagfyr 2021.

CEFNDIR

- 4 Bob blwyddyn, rhaid i'r Awdurdod osod cyllideb refeniw fantoledig sy'n gorfod cael ei chymeradwyo gan yr Awdurdod cyn dechrau'r flwyddyn ariannol. Er nad yw'r term "mantoledig" wedi'i ddiffinio'n ffurfiol yn y ddeddfwriaeth, mae CIPFA (y Sefydliad Siartredig Cyllid Cyhoeddus) yn cydnabod y dylai sefydliadau gael cynlluniau ariannol sy'n dangos sut y caiff y gwariant ei ariannu dros y tymor byr a'r tymor canolig.
- 5 Mae cynaliadwyedd ariannol yr Awdurdod yn y tymor byr a chanolig yn seiliedig ar adnabyddiaeth a dealltwriaeth o'r prif bethau sy'n gyrru costau, gan gynnwys gwerthuso risgiau ac ansicrwydd. Agweddau hanfodol ar hyn yw'r gofynion ar y gwasanaeth, yr adnoddau sydd ar gael, a'r weledigaeth strategol ar gyfer y dyfodol.

- 6 Ers dechrau yn ei swydd ar 1 Gorffennaf 2021, mae'r Prif Swyddog Tân wedi cynnal cyfres o gyfarfodydd yn fewnol â staff, cynrychiolwyr Undeb yr FBU, arweinwyr gwasanaethau brys eraill yn ogystal â chydweithwyr o'r Awdurdodau Lleol.
- 7 Penllanw'r gwaith oedd cyflwyniad i'r Aelodau ar 20 Medi 2021 i drafod yr asesiad sefyllfaol. Roedd hyn yn cadarnhau mai'r heriau allweddol sy'n wynebu'r Awdurdod yw cynnal lefel ddigonol o argaeledd o griwiau tân ar-alwad; sicrhau bod digon o adnoddau i gynnal a datblygu sgiliau diffoddwyr tân; a chael digon o gapasiti corfforaethol i ateb y galw ar hyn o bryd ac yn y dyfodol.
- 8 Yn ogystal â'r meysydd heriol penodol hyn, mae'r Awdurdod hefyd yn wynebu'r ansicrwydd sy'n gyffredin i holl gyrff y sector cyhoeddus wrth i ni ddod allan o'r pandemig. Yn arbennig, yr angen am ddull lleol a chydlynol o weithio mewn partneriaeth wrth reoli effaith chwyddiant, materion yn ymwneud â chyflenwadau, costau uwch yswiriant gwladol a chwyddiant cyflogau.
- 9 Er bod yr asesiad cychwynnol o gyllideb 2022/23, a gyflwynwyd i'r Awdurdod ym mis Tachwedd 2020, yn dangos bod gofyniad cyllidebol net o £38.08m. Bydd rhaid diwygio hyn er mwyn adlewyrchu'n llwyr y materion a ganfuwyd.
- 10 Bydd y gwaith o gynllunio'r gyllideb ar gyfer blwyddyn ariannol 2022/23 yn canolbwyntio ar y materion a ganfuwyd yng nghyflwyniad y Prif Swyddog Tân ar 20 Medi 2021. Caiff y risgiau a'r heriau hyn eu hystyried ymhellach gan Aelodau'r Awdurdod mewn gweithdy cynllunio i'w gynnal ar 2 Tachwedd 2021.
- 11 Gwneir rhagor o wybodaeth gyda'r awdurdodau lleol cyfansoddol i sicrhau bod gofynion cyllidebol yr Awdurdod yn cael eu cyfathrebu'n llwyr.

GWYBODAETH

- 12 Yn dilyn adolygiad pellach, mae'r asesiad cynllunio cychwynnol wrthi'n cael ei ddiwygio ac mae gwybodaeth ychwanegol wedi'i chynnwys yn Atodiad 1. Bydd cyllideb refeniw ddrafft 2022/23 yn cael ei pharatoi a'i hystyried er mwyn i'r Awdurdod ei chymeradwyo yn ei gyfarfod ar 20 Rhagfyr 2021.
- 13 Mae'r asesiad sefyllfaol wedi canfod heriau o ran argaeledd gorsafoedd ar gael yn ôl y galw, capasiti corfforaethol a hyfforddi diffoddwyr tân. Yn dilyn cymeradwyaeth gan yr Awdurdod, mae adolygiadau manwl yn cael eu cynllunio er mwyn darparu ar gyfer gwaith cynllunio tymor canolig a thymor hir. Hefyd, mae angen cymryd camau byrdymor i fynd i'r afael â phwysau sy'n bodoli ar unwaith a chaiff y mater hwn sylw gan yr Aelodau yn y gweithdy cynllunio ym mis Tachwedd 2021. Bydd y costau sy'n gysylltiedig â'r materion gorfodol wedi'u cynnwys yn yr asesiad o gyllideb 2022/23.

- 14 Fel arfer, mae costau gweithwyr yn fwy na 70% o'r gwariant, ac mae'r asesiad cynllunio cyfredol yn rhagdybio 2% o ddyfarniad cyflog i'r holl grwpiau o staff. Nodir nad yw'r negodiadau cenedlaethol am gyflogau wedi cael eu cwblhau ac mae hyn yn risg sylweddol ar hyn o bryd. Amcangyfrifir y byddai angen £0.2m arall ar gyfer pob 1% yn uwch na'r rhagdybiaeth gynllunio.
- 15 Risg arall i gostau gweithwyr yw cyfraniadau pensiwn y cyflogwr i ddiffoddwyr tân a gynyddodd yn ystod 2019/20 yn dilyn ailbrisiad gan Adran Actiwari'r Llywodraeth. Mae prisio pensiynau yn faes cymhleth sy'n gofyn am ragamcanion hirdymor. Yn dilyn newid i'r rhagdybiaethau, cafwyd cynnydd sylweddol yn 2019/20 yng nghyfraniadau'r cyflogwr i gynlluniau nad ydynt yn cael eu hariannu. Ers hynny, mae Llywodraeth Cymru wedi darparu cymorth ariannol. Nid yw'r sefyllfa hon wedi cael ei chadarnhau ar gyfer 2022/23 ac ymlaen ac mae hyn yn golygu £1.1m o risg. Ar hyn o bryd, y rhagdybiaeth ar gyfer y gyllideb yw y bydd cyllid yn dod i law.
- 16 Mae Llywodraeth y DU wedi cyhoeddi y bydd cyfraniadau yswiriant gwladol dosbarth 1 y cyflogwr yn codi i dalu am gostau'r GIG a gofal cymdeithasol yn y DU. Bydd yr 1.25% ychwanegol yn gymwys o Ebrill 2022 ymlaen, a bydd hyn yn golygu rhyw £0.2m o bwysau costau uniongyrchol.
- 17 Er bod cynnydd chwyddiannol wedi cael ei gymhwyso i gyllidebau nad ydynt yn gyflogau, mae nifer o risgiau ac ansicrwydd sylweddol. Mae'r rhain yn cynnwys costau tanwydd a chyfleustodau, sy'n dal yn anodd eu rhagweld oherwydd materion yn ymwneud â phrisiau a chyflenwadau,. Hefyd, mae argaeledd a chostau nwyddau megis cyflenwadau adeiladu, offer TGCh a darnau ar gyfer y fflyd yn peri pryder hefyd oherwydd cymhlethdod y cadwyni cyflenwi a'r ansicrwydd yn fyd-eang.
- 18 Mae nifer o risgiau eraill o fewn y cyllidebau nad ydynt yn gyflogau, gan gynnwys ansicrwydd ynghylch cyllid gan Lywodraeth Cymru ar gyfer Rhwydwaith y Gwasanaethau Brys (ESN) (cysylltiadau).
- 19 Mae costau ariannu cyfalaf yn cynnwys costau benthyca a thaliadau refeniw am ddefnyddio asedau cyfalaf. Cynhaliwyd adolygiad o'r rhaglen gyfalaf i gefnogi'r gwaith o reoli'r costau hyn. Mae ansicrwydd yn parhau o ran cost benthyca, a chedwir cronfa wedi'u chlustnodi i liniaru effaith amrywiadau annisgwyl.

GOBLYGIADAU

Amcanion Llesiant	Mae gan yr adroddiad hwn gysylltiad ag Amcanion Gwella a Llesiant yr Awdurdod. Mae'n adrodd ynghylch hyfywedd ariannol yr Awdurdod.
Cyllideb	Caiff yr asesiad cychwynnol o £38.08m sydd yn y cynllun ariannol tymor canolig a gymeradwywyd gan yr Aelodau yn ystod Tachwedd 2020 ei ddiwygio i adlewyrchu'r asesiad cyfredol.
Cyfreithiol	Mae dyletswydd gyfreithiol ar yr Awdurdod Tân ac Achub i osod cyllideb fantoledig sy'n seiliedig ar ragdybiaethau cynllunio realistig.
Staffio	Fel arfer, mae mwy na 70% o'r gwariant yn ymwneud â chostau staff felly mae'n ffactor o bwys wrth ystyried sefydlogrwydd ariannol yn y dyfodol. Mae'r risgiau a nodwyd gan y Prif Swyddog Tân yn cynnwys yr angen i recriwtio mwy o staff i'r ddyletswydd RDS a hefyd i gynyddu cadernid corfforaethol.
Cydraddoldeb/Hawliau Dynol/Y Gymraeg	Bydd y materion hyn yn rhan o'r cynigion ar gyfer gosod y gyllideb.
Risgiau	Mae'r risgiau a'r ansicrwydd allweddol mewn perthynas â chyllideb 2022/23 wedi'u hamlinellu yn Atodiad 1.

Crynodeb o'r rhagdybiaethau cynllunio a'r risgiau

Pennawd	Y rhagdybiaethau cynllunio a ddefnyddiwyd wrth osod y gyllideb	Risgiau/Ansicrwydd
<p>Costau gweithwyr</p>	<ul style="list-style-type: none"> • Caiff y cyllidebau staffio eu llunio ar sail modelau cyflawni gwasanaethau sy'n bodoli eisoes, a chânt eu diweddaru i fynd i'r afael â'r risgiau a nodwyd yn asesiad sefyllfaol y Prif Swyddog Tân. Rhagwelir y bydd angen mwy o swyddi i ateb gofynion hyfforddi a materion yn ymwneud â chapasiti corfforaethol. • Roedd yr asesiad cynllunio cychwynnol a gyflwynwyd i'r aelodau ym mis Tachwedd 2020 yn rhagdybio 2% o ddyfarniad cyflog cenedlaethol. Mae hyn yn parhau'n risg allweddol, gyda chost o £0.2m ar gyfer pob 1% yn uwch na'r gyfradd hon. • Mae cyfraniadau yswiriant gwladol wedi codi 1.25% ac ni ragdybir unrhyw gymorth gan y llywodraeth ganolog o fewn y broses o osod y gyllideb. • Rhagdybir y bydd y cynnydd yng nghyfraddau cyfraniad pensiwn y cyflogwr, sy'n deillio o brisiad Adran Actiwari'r Llywodraeth, yn parhau i gael ei ariannu drwy grant gan Lywodraeth Cymru. 	<ul style="list-style-type: none"> • Mae'r Cydgyngor Cenedlaethol (NJC) wedi dod i gytundeb ynglŷn â'r dyfarniad cyflog i ddiffoddwyr tân ar gyfer 2021/22 ond hyd yma nid yw wedi cyhoeddi cynigion ar gyfer 2022/23. • Nid yw'r Cydgyngor Cenedlaethol (NJC) ar gyfer Gwasanaethau Llywodraeth Leol wedi dod i gytundeb eto am y dyfarniad cyflog i staff ar gontractau Cynllun Pensiwn Llywodraeth Leol (LGPS) ar gyfer 2021/22. • Mae'r gwaith o gynllunio'r gyllideb yn rhagdybio lefelau arferol o weithgarwch. Os bydd amgylchiadau prysur yn digwydd, bydd pwysau ar y gyllideb. Y rhagdybiaeth weithio yw mai'r Gronfa Wrth Gefn Gyffredinol fyddai'n cael ei defnyddio yn y lle cyntaf. • Nid yw Llywodraeth Cymru wedi cadarnhau eto a fydd y grant i gefnogi'r cynnydd yng nghyfraniadau'r cyflogwr i gynllun pensiwn y diffoddwyr tân yn parhau. Amcangyfrifir mai £1.1m fydd y costau ar gyfer 2022/23. • Yn Rhagfyr 2018, collodd y llywodraeth ei hapêl yn erbyn yr her gyfreithiol i'r trefniadau pensiwn trosiannol ar gyfer diffoddwyr tân. Bydd y rhwymedi'n gymwys ar draws cynlluniau pensiwn y sector cyhoeddus. Nid yw'r canlyniad ariannol yn hysbys, ac ni wnaethpwyd unrhyw ddarpariaeth. • Yn dilyn yr ymchwiliad cyhoeddus i drychineb Grenfell, mae'r Ddeddf Diogelwch Tân (2021) wedi cyflwyno newidiadau i'r rheoliadau adeiladu. Mae hyn yn cynnwys newidiadau i gyfrifoldebau a fydd yn effeithio ar y sector tân ac achub. Mae'r effaith wrthi'n cael ei hasesu ac nid oes darpariaeth wedi cael ei gwneud eto o fewn yr asesiad o'r gyllideb.

Pennawd	Y rhagdybiaethau cynllunio a ddefnyddiwyd wrth osod y gyllideb	Risgiau/Ansicrwydd
Heblaw cyflogau	<ul style="list-style-type: none"> Roedd yr asesiad cynllunio cychwynnol yn cydnabod cynnydd cyfartalog o 3% ar draws y cyllidebau nad ydynt yn gyflogau. Mae hyn yn dal yn faes o risg ac ansicrwydd sylweddol. 	<ul style="list-style-type: none"> Er bod y Gwasanaeth yn parhau i adolygu costau nad ydynt yn gyflogau a'i fod yn ymdrechu i reoli pwysau costau o fewn y gyllideb a gynlluniwyd, mae hyn yn dal yn faes risg oherwydd y pwysau parhaus o fewn y gadwyn gyflenwi sy'n deillio o gynnydd mewn prisiau a materion yn ymwneud ag argaeledd. Mae'r sefyllfa hon yn cael ei rheoli'n ofalus ond oherwydd anwadadwydd, nid oes modd mesur yr effaith. Ni wnaethpwyd unrhyw ddarpariaeth yn y gyllideb ar gyfer costau eithriadol a allai ddigwydd yn ystod blwyddyn ariannol 2022/23. Mae'r gwaith o gaffael Rhwydwaith y Gwasanaethau Brys (ESN) yn symud ymlaen ond mae oedi mawr. Ymestynnwyd y contract presennol ac ar hyn o bryd mae'r Awdurdod yn cael £0.4m gan Lywodraeth Cymru tuag at ddarparu'r gwasanaeth cyfredol. Y rhagdybiaeth yw y bydd y cymorth refereniw cyfredol yn parhau er na chafwyd cadarnhad o hyn eto. Er bod yr Awdurdod yn parhau i weithio tuag at leihau ei ôl-troed carbon, nid oes cynlluniau manwl wedi cael eu llunio eto. Symudir ymlaen â'r gwaith hwn yn ystod 2022/23 ac nid oes unrhyw ddarpariaeth gyllidebol wedi'i chynnwys.
Cyllido Cyfalaf	<ul style="list-style-type: none"> Caiff y gofyniad cyllido cyfalaf ar gyfer 2022/23 ei ddylanwadu gan y gwariant cyfalaf a fu hyd at fis Mawrth 2022. Yn ôl yr amcangyfrifon cyfredol ar gyfer blwyddyn ariannol 2021/22, mae £1.3m o alldro o gymharu â'r cynllun a gymeradwywyd, sef £3.0m. Mae'r gostyngiad wedi digwydd gan mwyaf oherwydd llithrant wrth gael cerbydau newydd. 	<ul style="list-style-type: none"> Nid yw'r cynnydd posibl yn y cyfraddau llog yn hysbys, a gallent fod yn fwy na'r rhagdybiaethau cynllunio.
Incwm	<ul style="list-style-type: none"> Cafodd y cyllidebau incwm eu hadolygu a'u gosod yn unol â'r blynyddoedd blaenorol. 	<ul style="list-style-type: none"> Ni chanfuwyd risgiau penodol ynn tu hwnt 'r incwm grant gan Lywodraeth Cymru y cyfeirir ato yn yr adroddiad hwn.